

GENERAL ELECTIONS TO LOK SABHA, 2019 VOTE CHHIAR TURIN
MIZORAM A IN PEIH TA

Ram chhung hmun dang ang bawkin, Election Commission of India hriattirna angin 23/5/19 zing dar 8 atangin 1- Mizoram Parliamentary Constituency leh Aizawl West- I Assembly Bye Election atana vote tla te chhiar tan a ni dawn a ni. Mizoram District Headquarters hrang hrang a Counting Centre 10 chhunga Counting Hall 40 ah vote te hi chhiar a ni dawn a ni. Enchinna (Dry Run) neih a ni a, in puah chahna zawh fel thawkhat tawh a ni. Vote chhiar ni hian Counting Staff zawng zawng Counting Supervisor, Counting Assistant leh Micro-observer te tan zing dar 5 ah 3rd and Final randomization tan a ni anga, dar 6 ah an zo leh nghal tura tih an ni.

EVM Counting Table pakhat ah hian Counting Supervisor 1, Counting Assistant 1 leh Micro-observer 1 ten an awm ang a. Counting Hall 40 ah hian EVM Counting Table 387 a awm dawn a ni , Counting Table zawng zawng-a Counting Official te hi **1161** an ni dawn a ni. Aizawl- a vote chhiarna hmun tur pakhat Assembly Annexe Conference Hall ah hian Pre-Counting Hall a awm dawn a, hetah hian Table 40 ah Electronically Transmitted Postal Ballot System (ETPBS) chu endik hmasak (pre-scan) a ni anga, heng table te hi Counting Supervisor 1, Counting Assistant 1 ten an vil ang. Pre Counting Hall-a table 40 te hi mi 80 in an vil dawn a ni. Hei bakah hian Additional Micro-observer 2, ten Observer pakhat zel hi an pui bawk ang. Heng zawng zawng te nen hian Counting Hall 40 a vote chhiar tur official te hi mi **1321** an ni ang.

1- Mizoram Parliamentary Constituency General Election atan hian ETPBS 4687 thawn chhuah a ni a, 20.5.19 thleng khan 3119 dawn a ni tawh a ni. Postal Ballot 429 thawn chhuah zingah 352 dawn a ni tawh bawk. 15- Aizawl West-1 Assembly Constituency Bye Election atan hian ETPBS 125 thawn chhuah a ni a, 39 dawn let a ni tawh a, Postal Ballot 382 thawn

chhuah ah 218 dawn let a ni tawh bawk. Aizawl West 1 Assembly Constituency Bye Election atana ETPBS leh Postal Ballot te hi Govt. Aizawl College-a Counting Hall No.14 ah a hrana chhiar a ni ang.

Election Commission of India hriattirna thar ber May ni 18, 2019 a tihchhuah ah chuan tunhma a lo kalpui thin Postal Ballot chhiar zawh hnu a EVM round hnukung ber dawttu chhiarchauh tur tih kha tihtawp a ni a, tunah chuan Postal Ballot chhiar zawh hma pawhin EVM a vote tlate hi chhiar zawh theih a ni ang. EVM a vote tla chhiar zawh anih velah VVPAT thlan bika vote tla te chhiar chhonzawm nghal tur a ni.

Tun hma lama lo kalpui thin inthlanna a hnehna changtu leh amah hnaih ber tute vote inthlauhna postal ballot a vote tla aia a tlem chuan postal ballot a vote tla chhiar that leh vek tur a ni tih chu Election Commission of India chuan thlak danglamin tun tumah hi chuan hnehna changtu leh amah hnaih ber tu vote hmuh inthlauhna chu postal ballot tla zinga hnawl (rejected) zat aia a tlem chuan result puan anih hma in heng postal ballot hnawlte hi endik nawn leh chauh tur a ni ang.

Postal Ballot chhiarna Counting Hall ah chuan postal ballot chhiar tan anih atanga minute 30 hnu ah EVM a vote tla te chhiar phal a ni a, Counting Centre dang ami te chuan hei hi an zawm kher a tullo thung.

Counting Hall tin te hi uluk taka venhim mek an ni a, Counting Centre tinah hian three tier cordoning system (venhimna chhawng thum) dah a ni a, phalna neilo te chu Counting Centre ah hian an lut thei dawn lo a ni. Vote chhiarna hmun atanga meter 100 bial hi uluk taka ven niin, lirthei luh phal a ni lo bawk ang. 1st cordon security ring hi Mizoram Police ten an veng anga, vote chhiarna hmun lut tur reng reng ten ID an neih leh neih loh an en anga, ECI emaw DEO in a pek chhuah phalna nei te chauh luh phal an ni a, Senior Magistrate in a vil reng dawn bawk a ni.

Mizoram Armed Police (MAP) ten 2nd tier hi an veng thung ang. Mi tupawh Counting Centre chung a luh hmain uluk takin an lo endik leh ang a, hmeichhia te chu hmeichhia Police te chauhin an endik thei thung ang. 2 tier cordon a duty te hian mobile phone, ipad, laptop leh electronic device audio leh video a thla lak theih na reng reng kenluh theih anih loh avangin an en dik nghal ang. 3rd tier cordon ah hian Central Armed Police Forces (CAPF)- 4 coys te chuan Counting Hall an veng dawn a ni. Aizawl ah hian platoon 5 dah an ni a, Kolasib, Mamit, Champhai, Lunglei, Serchhip, Lawngtlai leh Siaha –a counting hall te hi CAPF Coy 1 theuhin an veng thung dawn a ni.

Vote chhiarna hmun ah hian counting hall chhunga vote chhiar lai reng reng video record phal a ni lova, media mi leh journalist ten camera stand (tripod/monopod) an hmang tur a ni lova, DIPRO enkawlha hnuaiah Counting Centre finah hian Media Centre siam a ni dawn a, heta tang hian a rang thei ang berin thuthar a hriattheih dawn bakah chanchinbumite chu a huhovin hun bitukah counting hall ah hian hruailuh an ni dawn a ni.

Rang taka EVM vote tla te chhiar a nih hnua chanchin in hrilh zung zung theihna turin ECI chuan New Suvidha App a siam thar a, hei hi ARO zawng zawngte hman theih tura ruahman niin ECI website leh Voters Helpline App (Playstore atanga download theih) atang te in election result a en theih dawn a ni.